

Bosna i Hercegovina
Federacija Bosne i Hercegovine
TUZLANSKI KANTON
KANTONALNI SUD U TUZLI
Broj: 003-0-Su-22-000 292
Datum, 05. april 2022. godine

SAOPŠTENJE ZA JAVNOST

IZVJEŠTAJ O RADU NA PREDMETIMA RATNIH ZLOČINA ZA PERIOD OD 01.01.2022. GODINE DO 31.03.2022. GODINE

Unapređenje efikasnosti procesuiranja predmeta ratnih zločina od strane sudova u Bosni i Hercegovini je jedan od ključnih zadataka Revidirane Državne strategije za procesuiranje predmeta ratnih zločina, jer se prema ovoj Strategiji očekuje da će se predmeti ratnih zločina u sudovima okončati do kraja 2023. godine. S tim u vezi, aktivnosti sudova koji su nadležni za suđenje u predmetima ratnih zločina su usmjerene na prioritarno rješavanje ovih predmeta, radi čega se pod nadzorom Visokog sudskog i tužilačkog vijeća Bosne i Hercegovine donose planovi za rješavanje predmeta ratnih zločina.

U Kantonalnom sudu u Tuzli za 2022. godinu nije donesen Plan rješavanja ratnih zločina, jer trenutno u sudu nema aktivnih predmeta ratnih zločina u kojima bi se krivični postupak mogao nesmetano odvijati.

Kantonalni sud u Tuzli trenutno ima dva predmeta ratnih zločina u kojima ne postoje procesne pretpostavke da bi se moglo odvijati suđenje u ovim predmetima, jer su u ovim predmetima optužena lica nedostupna sudu, radi čega su protiv ovih lica raspisane potjernice.

Jedan od tih predmeta je predmet broj 03 0 K 011847 16 K 2, protiv optuženog B.M. zbog krivičnog djela – Ratni zločin protiv civilnog stanovništva – iz člana 142. stav 1. preuzetog Krivičnog zakona SFRJ, koji je nedostupan i nalazi se u bjekstvu u Republici Hrvatskoj i protiv kojeg je raspisana potjernica. U ovom predmetu u skladu sa članom 433. Zakona o krivičnom postupku Federacije BiH i Sporazuma između Bosne i Hercegovine i Republike Hrvatske o pravnoj pomoći u građanskim i krivičnim stvarima sud je preduzeo aktivnosti da se krivično gonjenje protiv optuženog B.M. ustupi Republici Hrvatskoj, ukoliko se oštećena ne protivi takvom ustupanju. Oštećena se na zahtjev ovog suda pismeno izjasnila da se protivi takvom ustupanju, tako da se predmet ne može ustupiti Republici Hrvatskoj, radi čega je neaktivan sve dok optuženi ne bude priveden po raspisanoj potjernici ovom sudu.

U drugom predmetu broj 03 0 K 012459 14 Kps, protiv osumnjičenog M.T. zbog krivičnog djela – Ratni zločin protiv čovječnosti – iz člana 172. stav 1. tačka a) i h) Krivičnog zakona Bosne i Hercegovine u vezi sa članom 29. istog Zakona, osumnjičeni je nedostupan i nalazi se u bjekstvu u Republici Srbiji. U tom predmetu Kantonalni sud u Tuzli je donio rješenje dana 18.08.2021. godine kojim se krivično gonjenje ustupa Republici Srbiji, a koje rješenje je dostavljeno Višem sudu u Beogradu, putem Ministarstva pravde Bosne i Hercegovine. Viši sud u Beogradu je putem Ministarstva pravde Bosne i Hercegovine dopisom od 24.03.2022. godine obavijestio ovaj sud da se ne može izjasniti da li prihvata ustupanje predmeta, dok se prethodnoo pravosnažno ne okonča postupak koji je pokrenut povodom izručenja osumnjičenog pravosudnim organima Bosne i Hercegovine, a na osnovu molbe za izručenje Ministarstva pravde BiH od 12.03.2015. godine, jer je u tom postupku uložena žalba od strane branioca osumnjičenog, a o kojoj još nije odlučeno.

U oba predmeta sudije koje su zadužene predmetima dostavljaju redovno izvještaje, a koji se putem Uprave suda dostavljaju Visokom sudskom i tužilačkom vijeću BiH i Sudu Bosne i Hercegovine o statusu ovih predmeta i razlozima zbog kojih se u ovim predmetima ne mogu zakazati suđenja.



PREDSJEDNICA SUDA

Indira Hadžimehmedović